

後漢書

冊十

後漢書卷四十四

宋宣城太守范曄撰

唐章懷太子賢注

宗室四王三侯列傳第四

齊武王繡傳子北海靜王興

齊武王繡字伯升

繡引也音衍

光武之長兄也性剛毅慷慨

有大節自王莽篡漢常憤憤懷復社稷之慮不事

家人居業傾身破產交結天下雄俊莽末盜賊羣起

南方尤甚伯升召諸豪傑計議曰王莽暴虐百姓分

崩今枯旱連年兵革並起

東觀記曰王莽末年天下大旱蝗蟲蔽天盜賊羣起

四方潰畔

此亦天亡之時復高祖之業定萬世之秋也衆

皆然之於是分遣親客使鄧晨起新野光武與李通

李軼起於宛伯升自發春陵子弟合七八千人部署

賓客自稱柱天都部

柱天者若天之柱也

也使宗室劉

嘉往誘新市平林兵王匡陳牧等合軍而進屠長聚

及唐子鄉殺湖陽尉進拔棘陽因欲攻宛至小長安

與王莽前隊大夫甄阜屬正梁丘賜戰時天密霧漢

軍大敗姊元弟仲皆遇害宗從死者數十人伯升復

收會兵衆還保棘陽阜賜乘勝留輜重於藍鄉

比陽縣有

藍鄉

引精兵十萬南渡潢渚水

酈元注水經曰諸水二湖流注合爲黃水又南

經棘陽縣

黃渚聚又謂之黃渚水

在今唐州湖陽縣蕭該音渚作諄者誤○劉歆曰潢字據注唯當作

黃臨泚水阻兩川間爲營絕後橋示無還心新市平

林見漢兵數敗阜賜軍大至各欲解去伯升甚患之

會下江兵五千餘人至宜秋

宜秋聚名在泚陽縣

乃往爲說合

從之執下江從之語在王常傳伯升於是大饗軍士

設盟約休卒三日分爲六部潛師夜起襲取藍鄉盡

獲其輜重明日漢軍自西南攻甄阜下江兵自東南
攻梁丘賜至食時賜陳潰阜軍望見散走漢兵急追
之卻追潢淳水斬首溺死者二萬餘人遂斬阜賜王
莽納言將軍嚴尤秩宗將軍陳茂聞阜賜軍敗引欲
據宛伯升乃陳兵誓衆焚積聚破釜甄鼓行而前破釜

甄示必死也鼓行而前言無所畏也史記曰項羽北救趙渡河沈船破釜甄

與尤茂遇育

陽下戰大破之斬首三千餘級尤茂棄軍走伯升遂

進圍宛自號柱天大將軍王莽素聞其名大震懼購

伯升邑五萬戶黃金十萬斤位上公使長安中官署

及天下鄉亭皆畫伯升像於塾旦起射之

蕭該音義亦作塾引

字林塾門側堂也東觀記續漢書並作塾案說文云射臬也廣雅塾的也塾音之允反

自阜賜

死後百姓日有降者衆至十餘萬諸將會議立劉氏
以從人望豪傑咸歸於伯升而新市平林將帥樂放

縱憚伯升威明而貪聖公懦弱先共定策立之然後
使騎召伯升示其議伯升曰諸將軍幸欲尊立宗室
其德甚厚然愚鄙之見竊有未同今赤眉起青徐衆
數十萬聞南陽立宗室恐赤眉復有所立如此必將
內爭今王莽未滅而宗室相攻是疑天下而自損權
非所以破莽也且首兵唱號鮮有能遂陳勝項籍卽
其事也春陵去宛三百里耳未足爲功遽自尊立爲
天下準的使後人得承吾敝前書宋義曰戰勝則兵疲我承其敝非計
之善者也今且稱王以號令若赤眉所立者賢相率
而往從之若無所立破莽降赤眉然後舉尊號亦未
晚也願各詳思之諸將多曰善將軍張卬拔劍擊地
曰疑事無功史記曰趙武靈王欲被胡服肥義曰疑事無功疑行無名今日之議
不得有二衆皆從之聖公旣卽位拜伯升爲大司徒

封漢信侯由是豪傑失望多不服平林後部攻新野

不能下新野宰登城言曰

王莽改令長爲宰東觀記曰其宰潘臨也

得司

徒劉公一信願先下及伯升軍至卽開城門降五月

伯升拔宛六月光武破王尋王邑自是兄弟威名益

甚更始君臣不自安遂共謀誅伯升乃大會諸將以

成其計更始取伯升寶劍視之繡衣御史申屠建隨

獻玉玦

繡衣御史武帝置衣繡者尊寵之也玦決也令早決斷

更始竟不能發

及罷會伯升舅樊宏謂伯升曰昔鴻門之會范增舉

玦以示項羽

史記曰項王留沛公飲項伯東向坐范增南向坐項王北向坐范增數目項王

舉所佩玉玦者三項王默然不應鴻門地名在新豐東七十里

今建此意得無不善

乎伯升笑而不應初李軼諂事更始貴將

貴將朱光

武深疑之常以戒伯升曰此人不可復信又不受伯

升部將宗人劉稷數陷陳潰圍勇冠三軍時將兵擊

魯陽

魯陽縣屬南郡今汝州魯山縣也

聞更始立怒曰本起兵圖大

事者伯升兄弟也今更始何爲者邪更始君臣聞而

心忌之以稷爲抗威將軍稷不肯拜更始乃與諸將

陳兵數千人先收稷將誅之伯升固爭李軼朱鮪因

勸更始并執伯升卽日害之有二子建武二年立長

子章爲太原王興爲魯王十一年徙章爲齊王十五

年追諡伯升爲齊武王章少孤光武感伯升功業不

就撫育恩愛甚篤以其少貴欲令親吏事故使試守

平陰令

試守者稱職滿歲爲真平陰縣屬河南郡應

故城在今洛陽縣東北濟州平陰故城遷梁郡太守

立

劉歆曰案殤者不成人之名

二十一年薨諡曰哀王子殤王石嗣

今王石立二十四年不

建武二十七年石始就國三

十年封石弟張爲下博侯永平十四年封石二子爲

鄉侯石立二十四年薨子晃嗣下博侯張以善論議

十六年與奉車都尉竇固等

續漢志奉車都尉比二千石無員掌御乘輿車

並出擊匈奴後進者多害其能數被讟訴建中初卒

肅宗下詔褒揚之復封張子它人奉其祀晃及弟利

侯剛與母太姬宗更相誣告章和元年有司奏請免

晃剛爵爲庶人徙丹陽

丹陽故郡城在今潤州江寧縣東南

帝不忍下

詔曰朕聞人君正屏有所不聽

何白虎通曰所以設屏

臣下之敬也天子德大故外屏諸侯德小故內屏

宗尊爲小君

諸侯之妻宮稱曰小君

衛周備出有輜輶之飾

輜輶有擁蔽之車也列女傳曰齊孝公華孟姬謂公曰妾

聞妃后踰闕必乘安車輜輶下堂必從傅母保阿進退則鳴玉珮內飾則結綢繆所以正心一意自斂制

也入有牖戶之固殆不至如讟者之言

何休注公羊傳曰如其事

曰訴加誣焉曰讟

晃剛愆乎至行濁乎大倫

濁猶汙也倫理

其身而亂大倫甫刑三千莫大不孝朕不忍置之于理其貶

晃爵爲蕪湖侯

蕪湖解見蕪湖章紀

削剛戶三千於戲小子不弔

大道控於法理以墮宗緒

墮控引也墮毀也

其遣謁者收晃及

太姬璽綬晃立十七年而降爵晃卒子無忌嗣帝以

伯升創大業而後嗣罪廢心常愍之時北海亦絕無

後及崩遺詔復二國永元二年乃復封無忌爲齊王

是爲惠王立五十二年薨子頃王喜嗣立五年薨子

承嗣建安十一年國除

論曰大丈夫之鼓動拔起其志致蓋遠矣若夫齊武

王之破家厚土豈游俠下客之爲哉

下客謂毛遂馮煖之徒也

其

慮將存乎配天之絕業而痛明堂之不祀也

王者以遠祖配

天以父配上帝於明堂將以存其絕業復其祭祀

及其發舉大謀在倉卒擾

攘之中使信先成於敵人

新野宰潘臨云請

赦岑彭

以顯義

初彭守宛食盡降漢諸將欲誅之伯升曰今舉大事當表義士不如封之以勸其後更始

封彭為若此足以見其度矣志高慮遠禍發所忽謂

用樊宏光武之言忽輕也司馬相如曰嗚呼古人以

禍故多藏於隱微而發於人之所忽也蓋畏此

蜂蠆為戒其蠆也左傳臧文仲謂魯君曰君也詩云敬之敬之命不易哉詩周

北海靖王興建武二年封為魯王嗣光武兄仲初南

頓君娶同郡樊重女字嬀都嬀胡間反說嬀都性婉

順自為童女不正容服不出於房宗族敬焉生三男

三女長男伯升次仲次光武長女黃次元次伯姬皇

妣以初起兵時病卒宗人樊巨公收斂焉建武二年

封黃為湖陽長公主伯姬為寧平長公主元與仲俱

歿於小長安追爵元為新野長公主十五年追諡仲

為魯哀王興其歲試守候氏令為人有明略善聽訟

甚得名稱遷弘農太守亦有善政續漢書曰弘農縣

後漢書卷四十四列傳五十一中華書局聚

收申案論郡中震慄時年旱分遣文學循視事四年

行屬縣理冤獄宥小過應時甘雨降澍

上疏乞骸骨徵還京師奉朝請二十七年始就國明

年以魯國益東海續漢書曰二郡二十故徙興爲北

海王三十年封興子復爲臨邑侯臨邑縣屬東海故

名馬坊城也中元二年又封興二子爲縣侯顯宗器重興

每有異政輒乘驛問焉立三十九年薨子敬王睦嗣

睦少好學博通書傳光武愛之數被延納顯宗之在

東宮尤見幸待入侍諷誦出則執轡乘輿尊者居中執轡在左

興初禁網尙闊而睦性謙恭好士千里交結自名儒

宿德莫不造門由是聲價益廣永平中法憲頗峻睦

乃謝絕賓客放心音樂然性好讀書常爲愛翫歲終

遣中大夫奉璧朝賀中大夫王國官也續漢志曰中大夫奉璧賀正月及使諸國本皆持節召而謂之曰

京郡奉璧賀正月及使諸國本皆持節後去節爾雅曰肉倍好謂之璧好孔也

朝廷設問寡人

朝廷謂天子也

大夫將何辭以對使者曰大

王忠孝慈仁敬賢樂士臣雖螻蟻敢不以實睦曰吁

子危我哉

吁音于孔安國注尚書曰吁者疑怪之聲也

此乃孤幼時進趣

之行也

東觀記續漢書並云是吾幼時狂恚之行也

大夫其對以孤襲爵

以來志意衰惰聲色是娛犬馬是好使者受命而行

其能屈申若此初靖王薨悉推財產與諸弟雖王車

服珍寶非列侯制皆以爲分然後隨以金帛贖之睦

能屬文作春秋旨義終始論及賦頌數十篇又善史

書當世以爲楷則及寢病帝驛馬令作草書尺牘十

首

說文云牘書版也蓋長一尺因取名焉

立十年薨子哀王基嗣永平

十八年封基二弟爲縣侯二弟爲鄉侯建初二年又

封基弟毅爲平望侯基立十四年薨無子肅宗憐之

不除其國永元二年和帝封睦庶子斟鄉侯威爲北

海王奉睦後立七年威以非睦子又坐誹謗檻車徵詣廷尉道自殺永初元年鄧太后復封睦孫壽光侯普爲北海王是爲頃王延光二年復封睦少子爲亭侯普立七年薨子恭王翼嗣立十四年薨子康王嗣無後建安十一年國除初臨邑侯復好學能文章永平中每有講學事輒令復典掌焉與班固賈逵共述漢史傅毅等皆宗事之復子騊駼及從兄平望侯毅並有才學永寧中鄧太后召毅及騊駼入東觀與謁者僕射劉珍與平望侯毅並在文苑傳著中興以下名臣列士傳騊駼又自造賦頌書論凡四篇

趙孝王良傳

趙孝王良字次伯光武之叔父也平帝時舉孝廉爲蕭令光武兄弟少孤良撫循甚篤及光武起兵以事

告良大怒

東觀記曰光武初起兵良搏手大呼曰我欲詣納言嚴將軍叱上起去出閣令人視

之還白方坐啗脯良復謹呼上言不可謹露明日欲

去前白良曰欲竟何時詣嚴將軍所良意下曰我爲

詐汝耳當復何苦乎

曰汝與伯升志操不同今家欲危亡而反

共謀如是旣而不得已從軍至小長安漢兵大敗良

妻及二子皆被害

續漢書曰阜賜移書於良曰老子不率宗族單縵騎牛哭且行何足

哉更始立以良爲國三老從入關更始敗良聞光武

卽位乃亡奔洛陽建武二年封良爲廣陽王五年徙

爲趙王始就國十三年降爲趙公頻歲來朝十七年

薨于京師凡立十六年子節王栩嗣

栩音况反

建武三

十年封栩二子爲鄉侯建初二年復封栩十子爲亭

侯栩立四十年薨子頃王商嗣永元三年封商三弟

爲亭侯元年封商四子爲亭侯商立二十三年薨子

靖王宏立十二年薨子惠王乾嗣元初五年封乾二

弟爲亭侯是歲趙相奏乾居父喪私娉小妻小妻妾也又

白衣出司馬門坐削中丘縣王宮門有兵衛亦爲司馬門東觀記曰乾私出

國到魏郡鄴易陽止宿亭令奴金盜取亭席金與亭佐孟常爭言以刃傷常部吏追逐乾藏逃金絞殺之

懸其屍道邊樹相國舉奏詔書創中丘縣屬趙國故城在今邢州內丘縣西隨室諱忠故改爲內焉○劉

攷曰注創中丘縣屬趙國時郎中南陽程堅素有志

案文當更有中丘二字

行拜爲乾傳堅輔以禮義乾改悔前過堅列上復所

削縣本初元年封乾一子爲亭侯乾立四十八年薨

子懷王豫嗣豫薨子獻王赦嗣赦薨子珪嗣建安十

八年徙封博陵王立九年魏初以爲崇德侯

城陽恭王祉傳

城陽恭王祉字巨伯東觀記初名光武族兄春陵康終後改爲祉

侯敞之子也敞曾祖父節侯買以長沙定王子封於

零道之春陵鄉爲春陵侯買卒子戴侯熊渠嗣熊渠

卒子考侯仁嗣仁以舂陵地執下涇山林毒氣上書

求減邑內徙

東觀記曰考侯仁於時見戶四百七十

墓元帝許之

元帝初元四年徙封南陽之白水鄉猶以舂

陵爲國名遂與從弟鉅鹿都尉回及宗族往家焉仁

卒子敞嗣敞謙儉好義盡推父時金寶財產與昆弟

荊州刺史上其義行拜廬江都尉

南陽郡是荊州所管故刺史上其行

義也續漢書曰侯等助祭明堂以例益

歲餘會族兄

安衆侯劉崇起兵

安衆侯丹長沙定王王莽畏惡

劉氏徵敞至長安免歸國

東觀記曰敞臨廬江歲餘遭旱行縣人持枯稻自言

稻皆枯吏強責租敞應曰太守曰無有事也載枯稻示之太守

守曰都尉事也敞怒叱太守曰鼠何先是平帝時敞

與崇俱朝京師助祭明堂

平帝時王莽輔政裕祭明

百餘人徵助祭也

崇見莽將危漢室私謂敞曰安

漢公擅國權羣臣莫不回從曲社稷傾覆至矣太后

春秋高天子幼弱謂元后高皇帝所以分封子弟蓋

爲此也敞心然之及崇事敗敞懼欲結援樹黨乃爲

社娶高陵侯翟宣女爲妻宣丞相方進之子也襲父

終娶宣子女習爲妻宣使嫡子姬會宣弟義起兵欲

攻莽南陽捕殺宣女社坐繫獄敞因上書謝罪願率

子弟宗族爲士卒先莽新居攝欲慰安宗室故不被

刑誅及莽篡立劉氏爲侯者皆降稱子食孤卿祿者孤

特也卑於公尊於卿特置之故曰孤禮記上農夫食

九人諸侯下士視上農夫中士倍下士上士倍中士

下大夫倍上士後皆奪爵及敞卒社遂特見廢又不

得官爲吏社以故侯嫡子行淳厚宗室皆敬之及光

武起兵社兄弟相率從軍前隊大夫甄阜盡收其家

屬繫宛獄及漢兵敗小長安社挺身還保棘陽甄阜